



ს ა ქ ა რ თ ვ ე ლ ო
სამტრედიის მუნიციპალიტეტის საკრებულო



ოქმი: ო63. 6325196001

თარიღი: 15/07/2025

**სამტრედიის მუნიციპალიტეტის V მოწვევის საკრებულოს
საფინანსო - საბიუჯეტო საკითხთა
სხდომის
ოქმი N6**

ქ. სამტრედია 7 ივლისი, 2025 წელი.

მიმდინარე წლის 7 ივლისს სამტრედიის მუნიციპალიტეტის V მოწვევის საკრებულოს საფინანსო-საბიუჯეტო საკითხთა კომისიის თავმჯდომარის, მერაბ უღრელიძის, თავმჯდომარეობით ჩატარდა საფინანსო-საბიუჯეტო საკითხთა კომისიის სხდომა.

სხდომას ესწრებოდნენ: მერაბ უღრელიძე, გოჩა არველაძე, ჯონი ახობაძე, ტარიელ ცომაია, დავით ჯანელიძე, ირაკლი მელაშვილი, აკაკი მინაშვილი, ვაჟა სტურუა, გივი ჯულაყიძე.

ასევე სხდომას ესწრებოდნენ:

1. მუნიციპალიტეტის მერიის (საჯარო დაწესებულების) პირველადი სტრუქტურული ერთეულის საფინანსო-საბიუჯეტო სამსახურის უფროსი დავით ბაღდავაძე.
2. ა. (ა). ი. პ. „სამტრედიის მუნიციპალიტეტის კომუნალური გაერთიანების“ ხელმძღვანელი კობა ბიბილეიშვილი.
3. შ. პ. ს. „სამტრედიის მაცნე“-ს ბუღალტერი ლელა ნიკურაძე.

სხდომის თავმჯდომარე მიესალმა დამსწრე საზოგადოებას და წარადგინა დღის წესრიგით გათვალისწინებული საკითხები.

დღის წესრიგი :

1. „არასამეწარმეო (არაკომერციული) იურიდიული პირის, სამტრედიის მუნიციპალიტეტის კომუნალური გაერთიანების“ 2025 წლის ხარჯის დამტკიცების შესახებ“, სამტრედიის მუნიციპალიტეტის საკრებულოს 2024 წლის 24 დეკემბრის Nგ-63.632435922 განკარგულებაში ცვლილების შეტანის თაობაზე.

/მომხსენებელი: მ. უღრელიძე/

2. შ. პ. ს. „სამტრედიის მაცნე“-ს 2025 წლის საგამომცემლო-საწარმოო პროგრამისა

და მისი განხორციელების ხარჯის დამტკიცების შესახებ," სამტრედიის მუნიციპალიტეტის საკრებულოს 2024 წლის 24 დეკემბრის Nგ-63.632435915 განკარგულებაში ცვლილების შესახებ.

/მომხსენებელი: მ. უღრელიძე/

3. სამტრედიის მუნიციპალიტეტის 2025 წლის ბიუჯეტის დამტკიცების შესახებ" სამტრედიის მუნიციპალიტეტის საკრებულოს 2024 წლის 24 დეკემბრის N23 დადგენილებაში ცვლილების შეტანის თაობაზე.

/მომხსენებელი: მ. უღრელიძე/

კომისიის თავმჯდომარის წინადადებით, კენჭისყრის შედეგად საფინანსო-საბიუჯეტო საკითხთა კომისიის წევრთა (9) ხმით კენჭი უყარეს დღის წესრიგს.

კენჭისყრის შედეგად, საფინანსო-საბიუჯეტო საკითხთა კომისიის წევრთა (9) ხმით, დღის წესრიგი იქნა დამტკიცებული წარმოდგენილი სახით.

დღის წესრიგის I საკითხთან დაკავშირებით მომხსენებელმა, მერაბ უღრელიძემ, კომისიის წევრებს გააცნო სამტრედიის მუნიციპალიტეტის მერიის N62-622518570 04/07/2025წ. წერილობითი მომართვა. რომელიც ეხება „არასამეწარმეო (არაკომერციული) იურიდიული პირის, სამტრედიის მუნიციპალიტეტის კომუნალური გაერთიანების“ 2025 წლის ხარჯის დამტკიცების შესახებ“, სამტრედიის მუნიციპალიტეტის საკრებულოს 2024 წლის 24 დეკემბრის Nგ-63.632435922 განკარგულებაში ცვლილების შეტანის თაობაზე.

„ა.ა)ი.პ. სამტრედიის მუნიციპალიტეტის კომუნალური გაერთიანება“ ითხოვს 2024 წლის 24 დეკემბრის გ-63-63243592 განკარგულებით დამტკიცებულ 2025 წლის ბიუჯეტში ცვლილების შეტანას, კერძოდ ბიუჯეტის შემცირებას 50.0 ათ.ლარით და ნაცვლად 2775.4 ლარისა განისაზღვროს 2725.4 ათ.ლარით.

კერძოდ 1. საქონელი და მომსახურების ხარჯის შემცირებას 50.0 ათ.ლარით, რაც გამოწვეულია გასანათებელი მოწყობილობების შესყიდვასთან დაკავშირებით მოძიებულ მხარე ელექტრონულ ტენდერში ფასის დაკლების გამო; 2. შრომის ანაზღაურების ხარჯის შემცირებას 3.0 ათ.ლარით, შესაბამისად სოციალური უზრუნველყოფის ხარჯის გაზრდას 3.0 ათ.ლარით.

აზრი გამოთქვა: ა.ა)ი.პ. „კომუნალური გაერთიანების“ ხელმძღვანელმა კობა ბიბილეიშვილმა.

კობა ბიბილეიშვილი - მოგახსენებთ, რომ წარმოდგენილ პროექტში დანართი N2-ში სუბსიდიის გეგმაში დაშვებულია ტექნიკური ხარვეზი, რომელიც საჭიროებს გასწორებას. კერძოდ: თანხა 25775,4 ნაცვლად უნდა იყოს 2775,4.

გთხოვთ, კომისიამ გაითვალისწინოს აღნიშნული ტექნიკური ხარვეზი. შემოაღნიშნულთნ დაკავშირებით მოგაწვდით კორექტირებულ ვერსიას.

დაადგინეს: კენჭისყრის შედეგად საფინანსო-საბიუჯეტო საკითხთა კომისიის წევრთა (9) ხმით მიიღეს გადაწყვეტილება, საკითხი შევიდეს ბიუროს დღის წესრიგში განსახილველად.

დღის წესრიგის II საკითხთან დაკავშირებით მომხსენებელმა, მერაბ უღრელიძემ, კომისიის წევრებს გააცნო სამტრედიის მუნიციპალიტეტის მერიის N62-622518567 04/07/2025წ. წერილობითი მომართვა. რომელიც ეხება შ.პ.ს „სამტრედიის მაცნე“-ს 2025 წლის საგამომცემლო-საწარმოო პროგრამისა და მისი განხორციელების ხარჯის დამტკიცების შესახებ," სამტრედიის მუნიციპალიტეტის საკრებულოს 2024 წლის 24 დეკემბრის Nგ-63.632435915 განკარგულებაში ცვლილების შეტანის თაობაზე.

მომხსენებელმა აღნიშნა, რომ შ.პ.ს. „სამტრედიის მაცნე“-ს რედაქციას ესაჭიროება არქივის, დამხმარე და სამუშაო ოთახის სარემონტო სამუშაოები, ასევე საოფისე ინვენტარი, რისთვისაც საჭიროა 20.0 ათ.ლარი. შ.პ.ს.ა\ „სამტრედიის მაცნე“-ს რედაქცია ითხოვს 2024 წლის 24 დეკემბრის გ-63-

62435915 განკარგულებით დამტკიცებულ 2025 წლის სუბსიდიის გეგმის გაზრდას და მოწესრიგებას, საქონელი და მომსახურების მუხლის გაზრდას 20.0 ათ.ლარით. კერძოდ სხვა დანარჩენი საქონელი და მომსახურებაზე გაწეული ხარჯის 8.0 ათ.ლარით ოთახების სარემონტო სამუშაოებისათვის და საოფისე ინვენტარის შესაძენად 12.0 ათ.ლარით.

კომისიის წევრებმა იმსჯელეს ზემოაღნიშნულზე.

პროექტის ირგვლივ შენიშვნები არ ყოფილა.

დაადგინეს: კენჭისყრის შედეგად საფინანსო-საბიუჯეტო საკითხთა კომისიის წევრთა (9) ხმით მიიღეს გადაწყვეტილება, საკითხი შევიდეს ბიუროს დღის წესრიგში განსახილველად.

დღის წესრიგის III საკითხთან დაკავშირებით მომხსენებელმა, მერაბ უღრელიძემ, კომისიის წევრებს ინფორმაციის სახით გააცნო, რომ „სტიქიის შედეგების სალიკვიდაციო ღონისძიებების განხორციელების თაობაზე“ საქართველოს მთავრობის 2025 წლის 30 იანვრის №186 განკარგულებაში შეტანილი 2025 წლის 19 ივნისის №1004 ცვლილების თანახმად სამტრედიის მუნიციპალიტეტს სტიქიური მოვლენების შედეგების სალიკვიდაციო ღონისძიებების განხორციელების მიზნით გამოყოფილი თანხის ოდენობა 600 000 (ექვსასი ათასი) ლარით განესაზღვრა. აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი ნაწილის „ე“-პუნქტის „ე.ე“-ქვეპუნქტის, საქართველოს საბიუჯეტო კოდექსის 69-ე მუხლის პირველი, მე-2 და მე-5 ნაწილების „სამტრედიის მუნიციპალიტეტის ბიუჯეტით გათვალისწინებული ასიგნების საბიუჯეტო კლასიფიკაციის მუხლებსა და პროგრამულ კოდებს შორის გადანაწილების წესის დამტკიცების შესახებ“ სამტრედიის მუნიციპალიტეტის საკრებულოს 2017 წლის 14 დეკემბრის №43 დადგენილების შესაბამისად სამტრედიის მუნიციპალიტეტის მერის №62. 62251757 24/06/2025 ბრძანებით დაზუსტდა „სამტრედიის მუნიციპალიტეტის 2025 წლის ბიუჯეტის დამტკიცების შესახებ“ სამტრედიის მუნიციპალიტეტის საკრებულოს 2024 წლის 24 დეკემბრის N23 დადგენილება, კერძოდ: გაიზარდა კოდი 02 01 გზების, ხიდების, ბოგირების და ინფრასტრუქტურის სხვა ღონისძიებების დაფინანსების არაფინანსური აქტივების ზრდის გეგმა - 600 000 ლარით.

ასევე მომხსენებელმა კომისიის წევრებს გააცნო სამტრედიის მუნიციპალიტეტის მერიის N62-622518557 04/07/2025წ. წერილობითი მომართვა. რომელიც ეხება სამტრედიის მუნიციპალიტეტის 2025 წლის ბიუჯეტის დამტკიცების შესახებ“ სამტრედიის მუნიციპალიტეტის საკრებულოს 2024 წლის 24 დეკემბრის N23 დადგენილებაში ცვლილების შეტანის თაობაზე. კერძოდ:

გაიზარდა - შემცირდა

6 თვის გეგმა ფაქტის ანალიზიდან გამომდინარე შემცირდეს სულ - 634.5 ათასი ლარით :

- (02 02 01 კოდი) ბინათმშენებლობის სხვა ხარჯების გეგმა - 17.0 ათასი ლარით;
- (02 03 03 კოდი) სკვერების მოწყობა და კეთილმოწყობის სხვა ღონისძიებების არაფინანსური აქტივების ზრდის გეგმა - 30.0 ათასი ლარით;
- (03 04 კოდი) კომუნალური, კეთილმოწყობითი და სხვა სამსახურების სატრანსპორტო საშუალებების საქმიანი ეზოს მშენებლობა-რეაბილიტაცია და ექსპლოატაციის არაფინანსური აქტივების ზრდის გეგმა - 70.0 ათასი ლარით;
- (04 04 კოდი) სამტრედიის მუნიციპალიტეტის სკოლამდელი აღზრდის დაწესებულების (ბაღები და ბაგა-ბაღები) მშენებლობა-რეაბილიტაციის არაფინანსური აქტივების ზრდის გეგმა - 60.0 ათასი ლარით;
- (05 01 01 კოდი) სპორტული ღონისძიებების დაფინანსება და სპორტული მოედნების მშენებლობა და რეკონსტრუქციის არაფინანსური აქტივების ზრდის

გეგმა - 220.0 ათასი ლარით;

- (01 01 01 კოდი) სამტრედიის მუნიციპალიტეტის საკრებულოს შრომის ანაზღაურების გეგმა - 80.0 ათასი ლარით;
- (01 02 01 კოდი) სარეზერვო ფონდის სხვა ხარჯების გეგმა - 20.0 ათასი ლარით;
- (01 02 04 კოდი) კადრების მომზადება-გადამზადებასთან, კვალიფიკაციის ამაღლებასა და სტაჟირებასთან დაკავშირებული ხარჯის საქონელი და მომსახურების გეგმა - 10.0 ათასი ლარით;
- (01 01 02 კოდი) სამტრედიის მერიის არაფინანსური აქტივების ზრდის გეგმა - 50.0 ათასი ლარით;
- (02 02 02 კოდი) წყლის სისტემის რეაბილიტაცია და ექსპლოატაციის საქონელი და მომსახურების გეგმა - 10.0 ათასი ლარით;
- (01 02 03) მუნიციპალური განვითარების ფონდი - 17,5 ათასი ლარი;
- (03 01 კოდი) ა(ა)იპ სამტრედიის მუნიციპალიტეტის კომუნალური გაერთიანების სუბსიდიის გეგმა - 50.0 ათასი ლარით;

შესაბამისად გაიზარდოს და მოწესრიგდეს სულ - 634.5 ათასი ლარით :

- (02 01 კოდი) გზების, ხიდების, ბოგირების და ინფრასტრუქტურის სხვა ღონისძიებების დაფინანსების არაფინანსური აქტივების ზრდის გეგმა - 410.0 ათასი ლარით;
- (05 01 02 01 კოდი) ააიპ სამტრედიის მუნიციპალიტეტის საცხენოსნო სპორტული კლუბის არაფინანსური აქტივების ზრდის გეგმა - 3.0 ათასი ლარით;
- (05 03 კოდი) შპს „სამტრედიის მაცნე“-ს სუბსიდიის გეგმა - 20.0 ათასი ლარით;
- (05 01 01 კოდი) სპორტული ღონისძიებების დაფინანსება და სპორტული მოედნების მშენებლობა და რეკონსტრუქციის სხვა ხარჯები - 20,0 ათასი ლარი
- (05 05 02 კოდი) კულტურის, ძეგლთა დაცვისა და ტურიზმის ღონისძიებების დაფინანსების საქონელი და მომსახურების გეგმა - 33.0 ათასი ლარით;
- (05 02 02 კოდი) ააიპ სამტრედიის მუნიციპალიტეტის ეროსი მანჯგალაძის სახელობის კულტურის ცენტრის სუბსიდიის გეგმა - 27.0 ათასი ლარი;
- (04 03 კოდი) ააიპ სამტრედიის მუნიციპალიტეტის მოსწავლე-ახალგაზრდობის სახლის სუბსიდიის გეგმა - 20.0 ათასი ლარი;
- (06 02 07 კოდი) სამტრედიის მუნიციპალიტეტში რეგისტრირებული სახლდაზიანებული მოქალაქეების დახმარების სხვა ხარჯების გეგმა - 16.5 ათასი ლარი;
- (06 01 02) საზოგადოებრივი ჯანდაცვის ცენტრის ეზოს მოწყობა -35,0 ათასი ლარი;
- (06 02 04 კოდი) სამედიცინო და სხვა სოციალური საჭიროებების დახმარების ღონისძიებების სოციალური უზრუნველყოფის გეგმა - 50.0 ათასი ლარით;

მუხლობრივი ცვლილებები:

- (06 01 01 კოდი) ააიპ საზოგადოებრივი ჯანდაცვის სამტრედიის ცენტრის სუბსიდიის გეგმა შემცირდეს 2.6 ათასი ლარით და შესაბამისად გაიზარდოს ამავე კოდის არაფინანსური აქტივების ზრდის გეგმა.
- (02 02 03 კოდი) ვარე განათების რეაბილიტაცია და ექსპლოატაციის არაფინანსური აქტივების ზრდის გეგმა შემცირდეს 51.0 ათასი ლარით და შესაბამისად გაიზარდოს (02 (02 01 კოდი) ბინათმშენებლობის სხვა ხარჯების გეგმა - 19.5 ათასი ლარით, ხოლო 02 01 კოდი)გზების, ხიდების, ბოგირების და ინფრასტრუქტურის სხვა ღონისძიებების დაფინანსების არაფინანსური აქტივების

ზრდის გეგმა - 31.5 ათასი ლარით;

- (05 01 01 კოდი) სპორტული ღონისძიებების დაფინანსება და სპორტული მოედნების მშენებლობა და რეკონსტრუქციის სუბსიდიის გეგმა შემცირდეს - 1.4 ათასი ლარით და შესაბამისად გაიზარდოს ამავე კოდის საქონელი და მომსახურების გეგმა.

სხდომა მიმდინარეობდა კითხვა-პასუხის რეჟიმში.

პროექტის ირგვლივ შენიშვნები არ ყოფილა.

დაადგინეს: კენჭისყრის შედეგად საფინანსო-საბიუჯეტო საკითხთა კომისიის წევრთა (9) ხმით მიიღეს გადაწყვეტილება, საკითხი შევიდეს ბიუროს დღის წესრიგში განსახილველად.

ამით დღის წესრიგით გათვალისწინებული საკითხები ამოწურულია.

სხდომის მდივანი: / ლია ყურულაშვილი/

მერაბ უღრელიძე

სამტრედიის მუნიციპალიტეტის საკრებულო-საკრებულოს საფინანსო-საბიუჯეტო საკითხთა კომისია-საკრებულოს საფინანსო-საბიუჯეტო საკითხთა კომისიის თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

